

Me -nu 'wo 'wun zii gen 'ö -gban kwa 'bhema -nu
-bha -a 'sëédhe = ne 'wo- kë.

Wumplëë Zan
Waa- Dhoo Zafe

Me -nu 'wo 'wun -genbho

Yomi Geigbö 'ö kwa 'bhema -nu 'godhe waa- bloose
-An -bha 'wun -genbho
Yolü Göögbö 'dhö Masuö Lobee waa- Makado Yolüdhu
'wo 'dhoomë -bha -genbho

'wun zii gen 'ö -gban kwa
'bhema -nu -bha.

= Danwo pö -më

= suu'- 'Godhe

Histoire du peuple DAN

DEAKEU Oumpleu Jean
LOH Kahouyé Japhet



'Wun zü dö -sü

Dhe 'glu -zë -nu 'saadhö, -kwa -Zlan zuö pö 'ö töö
yö =ne 'ö -we -a -bha kö =Daonwo 'ö =bhlëzë ö pö
-su 'gü bhë, -yö 'go -bin -blü. =Ya 'go mü 'we 'ö- wo
-a -bha 'sëedhe 'ö =ne kö -yö yö piaan, 'iin 'ö =faan'
nu me -nu -dhë 'wo 'wun 'zü =mee bhë -a -wun 'gü.

Yi -a 'piö kö 'yi -a -zon kwa -dhë =ne
=Daonwopöme -nu =suu'- 'go -dhe waa- me kpö me 'ö
-dhö -an -bha pö- -gban -kö 'ö =kaa' 'pian 'ö lan- -püö
=zian' -a 'ka bhë -yö -kë -dhö.

Me -nu 'ka nu yi -dhë 'wun 'zü =mee' -sü 'gü, 'ö
'ka 'dhe bho yi dhë -a -ta bhë 'yië ka zuöpö =va. Me
-nu 'ka =kpö -a 'gü 'iin me -nu 'ka yuö -kë dodo 'ka
'saadhö 'sëedhe =ne -a -bha -yö piaan -sü -wun 'gü,
-yö -kë 'wëü 'ka oo, ka -de gia- nu -sü 'ka oo 'iin ka
-bha 'slë -nu -zon yi -dhë -sü 'ka, yië ka -zuö pö.

Zuöpödhe =va -yö -dho 'kwi gön Vidinö waa- ö
=bhang' -nu 'wo -go Lusii waa- Thomas Beaath 'ö go
Swisë 'ö kë kwi -nu -bha -kolokota 'wo- -dhe Fond
Nassional Swissë -a -gbaan do 'ka bhë -an 'piö, -an
-bha -dö yi -go -sü 'sëedhe -a -bha -yö plaan -sü -wun
'gü.

=Danwo pö -me =suu'- 'godhe sëedhe =ne -a kë
-gen giagia 'ö töö kö 'wun 'ö -gban kwa -bha 'sego -nu
-gban -kö -bha, kwa wo 'iin 'wun zii -gen 'ö -gban
kwa -bhë 'kwa- dö kö 'kwaan- =bleë'- kwa kpöglu -nu

dhë. Me 'bhaa -ya -pö ö =woë' =nëe : metii do -bha
ga -sü =tei' -kë 'wunbhokoudodhe 'sëedhe be -vuu
=plëezë -bha 'giö -sü 'dhö. -Kwa kwa -bha 'në -nu
=daan'- kö kwa -de -wo -bha -kë =bhlëzë -sü bhë -wa
do, =ya kë 'dhö kwa -bha wo -nu 'ka 'dho =dhong
-yaan 'go 'sea-.

'Yi ka =faan' -më kö me 'ple 'kwa kwa -de -wo
=daan'- =faan' 'ka 'kwaan- do -a pö -sü 'ka -së 'ka.

=Ya 'go mü, pë 'yi dhoë- pö ka -dhë 'ö tö
'sëedhe =ne, me -nu 'wo -kë bhë, -wa -zü -gban -kö 'ö
kwa 'bhema -nu -wo =kaa' =Klaadhö bhë -a -ta. 'Këe
-a 'dhiö yaa 'to =kun, yi yuö kë -sü 'gü -a -bha
-kplawo kö 'sëgo -nu 'wo to -an -bha 'wunzii -gen -yaan
kë -dhö kö 'yiën- 'dho 'koë- do -yaan kë 'sëedhe -be do
'ka.

'Yië ka 'nue bho =va.

yië 'sëedhe bodhe 'nimlo 'ö =ne :

'Wun zii -gen =mëë' -me -nu.

B.P 297 Danané

1 Yaobhaa 'to -gen waa- -an =suu'- 'godhe

Yaobhaa 'to -gen 'ö tö -më -e ?

Kwa 'to gia -gia 'ö tö : =Daonwo pö -me. 'Këe =dhe
'ö 'kwi -nu -wo nu kwa -se 'gu, me -bleezë 'ö 'kwi -nu
-wo 'dhiö -lo kwa -me -nu -bha bhë -yö -go dhaa -wa
-dhe -Gbana. 'Kwi -nu -wo 'dhiö 'ö- -lo -a pö -sü 'ka
=ne : 'kwi -ya -pö bhaa bhë, 'ö -kwi -nu -wa -ya kwa
'to 'ka, 'yaa 'pö kwa tö =Daonwopö -me.

Daonwopö -me -nu =suu'- -go 'më e ?

Kwa 'bhema -nu -wo -go =klaadhö. Kwa dë
-bleezë 'ö -kë =klaadhö 'ö tö -sikpi' , -yö kë 'flami
'ka. -A gbö 'ö tö : Droo 'Siigbö. Yö -de 'pö -a gbö -nu
-wo -kë -yisië (4), -a 'dhu =yö do (1). -A gbö -nu 'to
-bhüö 'wo =ne :

-Tokpa -Droogbö, =Laluëdë -Droogbö, =Kluan'
-Droogbö, 'Sobho -Droogbö. -A 'dhu do bhë -a tö :
=Yuan' -Droodhu.

-Wo -to =klaadhö 'ö 'wun =blee' -su -yö -da -an
ziën, 'ö -wo gbegbe pö -me -gwa -yaaga -zë 'wo go
-Droo =suu'- -ta 'gü :Maakaa, Daonwopöme, =Gloo'-

-An -kan 'koë- -gen 'ö =ne :

=Daonwo pö -me waa- =gloo'- -nu -an -bha -yö -bo
dhe -wun -ta. Kwa -kë dhegluzë do 'ka, 'ö =Daonwopö
-me -yö -da =Gloo'- -bha dhe 'piö, 'ö =Gloo'- -ya pö:
Daonwopöme -nu =wo nu =laa' 'në do 'ka wo -bha
dhe pë 'ka . 'Ö 'wo =laa' 'në kun 'wo- nu =gloo'- -dhë.